



ПСАЛТИРЬ

Сборник Псалтирь

Текст предоставлен правообладателем

http://www.litres.ru/pages/biblio_book/?art=63559041

Псалтирь: Издательство Сретенского монастыря; Москва; 2020

ISBN 978-5-7533-1636-3

Аннотация

Рекомендовано к публикации Издательским советом Русской
Православной Церкви

Содержание

ПСАЛТИРЬ	4
Молитвы перед началом чтения Псалтири	5
Кафисма первая	9
Кафисма вторая	18
Кафисма третья	27
Кафисма четвертая	38
Кафисма пятая	49
Кафисма шестая	59
Конец ознакомительного фрагмента.	64

ПСАЛТИРЬ



Молитвы перед началом чтения Псалтири

Священник начинает:

Благословен Бог наш, всегда, ныне и присно, и во веки веков.

Если нет священника, начинаем:

Молитвами святых отец наших, Господи Иисусе Христе, Боже наш, помилуй нас. Аминь.

Молитва Святому Духу

Царю Небесный, Утешителю, Душе истины, Иже везде сый и вся исполняяй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

Трисвятое

Святый Боже, Святый Крепкий, Святый Безсмертный, помилуй нас. *(Читается трижды, с крестным знаменем и поясным поклоном)*

Слава Отцу и Сыну и Святому Духу, и ныне и присно и во веки веков. Аминь.

Молитва ко Пресвятой Троице

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй. (*Трижды*) Слава, и ныне:¹

Молитва Господня

Отче наш, Иже еси на небесех! Да святится имя Твое, да придет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Тропари сия, глас 6-й:

Помилуй нас, Господи, помилуй нас, всякаго бо ответа недоумеюще, сию Ти молитву яко Владыце грешнии приносим: помилуй нас.

Слава: Честное пророча Твоего, Господи, торжество, Небо Церковь показа, с человеки ликуют Ангели. Того мо-

¹ Когда написано «Слава:», «И ныне:», надо читать полностью: «Слава Отцу и Сыну и Святому Духу», «И ныне и присно и во веки веков. Аминь».

літвами, Христе́ Бо́же, в мире упра́ви живо́т наш, да поём Ти: Аллилу́иа.

И ны́не: Мно́гая мно́жества моих, Богоро́дице, прегреше́ний, к Тебе прибе́гох, Чи́стая, спасе́ния тре́буя: посети́ немощствую́щую мою́ ду́шу и моли́ Сы́на Твоего́ и Бо́га на́шего да́ти ми оставле́ние, я́же соде́ях лю́бых, Еди́на Благословенна́я.

Го́споди, поми́луй. (*40 раз*)

Молитва Святей Живоначальной Троице

Всесвята́я Трои́це, Бо́же и Сodéтелю всего́ ми́ра, поспеши́ и напра́ви се́рдце мое́, нача́ти с ра́зумом и конча́ти де́лы благи́ми богодухнове́нныя сия́ кни́ги, я́же Святы́й Ду́х усты́ Дави́довы отры́гну, ихже ны́не хо́щю глаго́лати аз, недостойный, разуме́я же свое́ неве́жество, припа́дая молю́ся Ти, и е́же от Тебе́ по́моци прося́: Го́споди, упра́ви ум мой и утверди́ се́рдце мое, не о глаго́лании усте́н стужа́ти си, но о ра́зуме глаго́лемых весели́тися, и пригото́виться на творе́ние до́брых дел, я́же учу́ся, и глаго́лю: да до́брыми де́лы просвеще́н, на суди́щи десны́я Ти страны́ прича́стник бу́ду со все́ми избра́нными Твои́ми.

И ны́не, Влады́ко, благослови́, да воздохну́в от се́рдца, и язы́ком воспою́, глаго́ля си́це:

Прииди́те, поклони́мся Царе́ви на́шему Богу́.

Прииди́те, поклони́мся и припаде́м Христу́, Царе́ви на́ше-

му Богу.

Приидите, поклонимся и припадём Самому Христу, Царю и Богу нашему.

Теперь немного подожди, пока не утихнут все чувства и тогда начинай без спешки и лености, с умилением и сокрушенным сердцем. Читай «Блажен муж...» тихо и разумно, со вниманием, и не торопясь, чтобы и умом понимать что произносишь.

Кафисма первая

Псалом Давиду, не надписан у еврей, 1

¹Блажен муж, иже не иде на совет нечестивых и на пути грешных не ста, и на седалищи губителей не седе, ²но в законе Господни воля его, и в законе Его поучится день и ночь. ³И будет яко древо, насажденное при исходящих вод, еже плод свой даст во время свое, и лист его не отпадет, и вся, елика аще творит, успеет. ⁴Не тако нечестивии, не тако, но яко прах, егже возметает ветр от лица земли. ⁵Сего ради не воскреснут нечестивии на суд, ниже грешницы в совет праведных. ⁶Яко весть Господь путь праведных, и путь нечестивых погибнет.

Псалом Давиду, 2

¹Вскую шаташася языцы, и людие поучишася тщетным?
²Предсташа царие земстии, и князи собрашася вкупе на Господа и на Христа Его. ³Расторгнем узы их и отвержем от нас иго их. ⁴Живый на Небесех посмеется им, и Господь пору-

гаётся им. ⁵Тогда возглаголет к ним гнёвом Своим и яростию Своёю смятёт я. ⁶Аз же поставлен есмь Царь от Него над Сионом, горюю святою Его, ⁷возвещаяй повеление Господне. Господь рече ко Мне: Сын Мой еси Ты, Аз днесь родих Тя. ⁸Проси от Мене, и дам Ти языки достойные Твое, и одержание Твоё концы земли. ⁹Упасёши я жезлом железным, яко сосуды скудельничии сокрушиши я. ¹⁰И ныне, царие, разумейте, накажитесь вси судящии земли. ¹¹Работайте Господеви со страхом и радуйтесь Ему с трепетом. ¹²Приимите наказание, да не когда прогневается Господь, и погибнете от путей праведнаго, егда возгорится вскоре ярость Его. Блажени вси надёющиися Нань.

¹Псалом Давиду, внегда отбегаше от лица Авессалома, сына своего, 3

²Господи, что ся умножиша стужающие ми? Мнози востают на мя, ³мнози глаголют души моей: несть спасения ему в Бозе его. ⁴Ты же, Господи, Заступник мой еси, слава моя и возносяй главу мою. ⁵Гласом моим ко Господу возвах, и услыша мя от горы святыя Своея. ⁶Аз уснух, и спях, востах, яко Господь заступит мя. ⁷Не убоюсь от тем людей,

о́крест напáдающих на мя. ⁸Воскресни́, Го́споди, спаси́ мя, Бо́же мой, я́ко Ты порази́л еси́ вся вражду́ющыя ми всу́е: зубы грéшников сокруши́л еси́. ⁹Госпо́дне есть спасéние, и на лю́бдех Твоих благословéние Твое.

*Слава.*²

¹В конец, в песнях, псалом Давиду, 4

²Внегда́ призвати́ ми, услы́ша мя Бог пра́вды моея́, в скóрби распространи́л мя еси́, ущéдри мя и услы́ши моли́тву мою. ³Сы́нове челове́чести, докóле тяжкосéрдии? Вску́ю любите суету́ и и́щите лжи? ⁴И увéдите, я́ко удиви́ Господь преподо́бнаго Своего́: Госпо́дь услы́шит мя, внегда́ воззвати́ ми к Нему. ⁵Гне́вайтесь, и не согрешáйте, я́же глаго́лете в сердца́х ва́ших, на лóжах ваших умилíteся. ⁶Пожри́те жéртву пра́вды и упова́йте на Го́спода. ⁷Мно́зи глаго́лют: кто яви́т нам благáя? Зна́менася на нас свет лица́ Твоего, Го́споди. ⁸Дал еси́ весéлие в сéрдце моём: от плода́ пшени́цы, вина́ и е́леа своего умно́жишася. ⁹В ми́ре вку́пе усну́ и почи́ю, я́ко Ты, Го́споди, еди́наго на упова́нии всели́л мя еси́.

² На «Славе» Псалтири читается: Сла́ва, и ны́не. Аллилу́иа, аллилу́иа, аллилу́иа, сла́ва Тебе́, Бо́же. (*Трижды*) Сла́ва, и ны́не.

1 О наследствующем, псалом Давиду, **5**

²Глаголы моя внуши, Господи, разумей звание мое. ³Вонми гласу моления моего, Царю мой и Боже мой, яко к Тебе помолюся, Господи. ⁴Заутра услыши глас мой, заутра предстану Ти, и узриши мя. ⁵Яко Бог не хотяй беззакония, Ты еси: не приселится к Тебе лукавнуяй, ⁶ниже пребудут беззаконницы пред очима Твоима: возненавидел еси вся делающыя беззаконие. ⁷Погубиши вся глаголющыя лжу: мужа кровей и лстыва гнушается Господь. ⁸Аз же множеством милости Твоея, вниду в дом Твой, поклонюся ко храму святому Твоему, в страхе Твоем. ⁹Господи, настави мя правдою Твоею, враг моих ради исправи пред Тобою путь мой. ¹⁰Яко несть во устех их истины, сердце их суетно, гроб отверст гортань их: языки своими лщяху. ¹¹Суди им, Боже, да отпадут от мыслей своих, по множеству нечестия их изрини я, яко прегорчиша Тя, Господи. ¹²И да возвеселятся вси уповающи на Тя, во век возрадуются, и вселишися в них, и похвалятся о Тебе любящии имя Твое. ¹³Яко Ты благословиши праведника, Господи: яко оружием благоволения венчал еси нас.

¹В конец, в песнях о осмѣм, псалом Давиду, 6

²Господи, да не яростию Твоею обличиши мене, ниже гневом Твоим накажеша мене. ³Помилуй мя, Господи, яко немощен есмь, исцели мя, Господи, яко смятѡшася кости моя. ⁴И душа моя смятѣся зело: и Ты, Господи, доколе? ⁵Обратися, Господи, избави душу мою: спаси мя ради милости Твоея. ⁶Яко несть в смерти поминаяй Тебе: во аде же кто исповѣстся Тебе? ⁷Утрудихся воздыханием моим, измыю на всяку ночь ложе мое, слезами моими постѣлю мою омочу. ⁸Смятѣся от ярости бѡко мое, обетшах во всех вразѣх моих. ⁹Отступите от мене, вси дѣлающии беззаконие, яко услыша Господь глас плача моего: ¹⁰услыша Господь молѣние мое, Господь молитву мою прият. ¹¹Да постыдятся и смятутся вси врази мои, да возвратятся и устыдятся зело вскорѣ.

Слава:

¹Псалом Давиду, егоже воспѣт Господеви о словесѣх Хусіевых, сына Иеменина, 7

²Господи Бѡже мой, на Тя уповах, спаси мя от всех гонящих мя и избави мя: ³да не когда похитит яко лев душу

мою, не сущу избавляющую, ниже спасающую. ⁴Господи Боже мой, аще сотворих сие, аще есть неправда в руку мою, ⁵аще воздах воздающим ми зла, да отпадú убо от враг моих тощ. ⁶Да поженёт убо враг душу мою и да постигнет, и поперёт в землю живót мой, и славу мою в персть вселит. ⁷Воскресни, Господи, гнѣвом Твоим, вознеси́ся в концáх враг Твоих, и востáни, Господи Боже мой, повелѣнием, íмже заповѣдал еси́. ⁸И сонм людей обыдет Тя, и о том на высотú обратис́я. ⁹Господь сúдит людем: суди́ ми, Господи, по правде моей, и по незлѣбѣ моей на мя. ¹⁰Да скончáется злѣба грѣшных, и исправиши праведнаго, испытáй сердцá и утрѣбы, Боже праведно. ¹¹Помощь моя от Бога, спасающаго правы́я сердцем. ¹²Бог Судитель праведен и крѣпок, и долготерпелив, и не гнев наводáй на всяк день. ¹³Аще не обратит́ся, ору́жие Своѣ очисти́т, лук Свой напряжѣ и уготѣва и́, ¹⁴и в нем уготѣва сосúды смѣртныя, стрѣлы Сво́я сгарáемым соделá. ¹⁵Се болѣ неправдою, зачат болѣзнь, и родí беззакѣние: ¹⁶ров изры́, и ископá и́, и падёт в яму, ю́же соделá. ¹⁷Обратит́ся болѣзнь его на главú его, и на верх его неправда его снидет. ¹⁸Исповѣмся Господеву по правде Его и пою íмени Господа Вы́шняго.

¹В конец, о точілех, псалом Давиду, 8

²Господи, Господь наш, яко чудно имя Твое по всей землі, яко взятся великолѣпіе Твое превыше небес. ³Из уст младенец и ссущих совершил еси хвалу, враг Твоих ради, еже разрушити врага и мѣстника. ⁴Яко узрю небеса, дела перст Твоих, луну и звѣзды, яже Ты основал еси. ⁵Что есть человек, яко помниши его? Или сын человетч, яко посещаети его? ⁶Умалил еси его малым чим от Ангел, славою и честию венчал еси его. ⁷И поставил еси его над дѣлы рукъ Твоею, вся покорил еси под нозе его. ⁸Овцы и волы вся, еще же и скоты польскія, ⁹птицы небесныя, и рыбы морскія, переходящя стези морскія. ¹⁰Господи, Господь наш, яко чудно имя Твое по всей землі.

Слава:

Трисвятое. Пресвятая Троице... Отче наш...

Тропарі сия, глас 1-й:

В беззаконіих зачався аз, блудный, не дерзю взира́ти на высоту Небесную, но, дерзая на человетолюбіе Твое, зову: Бже, очисти мя, грешнаго, и спаси мя. Аще праведник едва

спасается, аз где явлюся, грешный? Тяготы и зноя дневнаго не понесох, но с наёмники едионадесятаго часа сопритчи мя, Бóже, и спаси мя.

Слава: Объятия Отча отвёрсти ми потщися, блудно мое иждих житие, на богатство неизживаемое взираяй щедрот Твоих, Спасе, ныне обнищавшее мое да не презриши сердце. Тебе бо, Господи, умилением зову: согреших на Небо и пред Тобою.

И ныне: Упование христиан, Пресвятая Дево, Егóже родила еси Бога паче ума же и слова, непрестанно моли с горни-ми силами дати оставление грехов нам всем и исправление жития, верою и любовью присно Тя чтущим.

Господи, помилуй. (40 раз)

Молитва

Владыко Вседержителю, Непостижимо, начало света и преумная сила, иже Ипостаснаго Слова Отец и Единосильнаго Твоего Духа испуститель: милосердныя ради милости и неизреченныя благодати не презревай человеческаго естества, тмою греха содержимага, но Божественными светы священных Твоих учений, законом и пророки светивый миру, последи же нам того Единороднаго Твоего Сына благоволивый плотию возсияти и ко осиянию нас Твоего просвещения наставить: да будут уши Твои внемлюще гласу моления нашего, и даруй нам, Бóже, во бденном и трезвен-

ном сѣрдце всю настоящаго житія ночь прейтѣ, ожидающимъ пришѣствія Сына Твоего и Бога нашего, Судий всех, да не возлежаще и спяще, но бѣдрствующе и воздвѣжени в дѣлание заповѣдей Твоихъ обрящемся и в радость Его совидѣемъ, идеже празднующихъ гласъ непрестанный, и неизреченная сладость зрящихъ Твоего лица доброту неизглаголанную. Яко Благъ и Человеколюбецъ Богъ еси, и Тебѣ славу возсылаемъ, Отцу и Сыну и Святому Духу, ныне и присно и во веки вековъ. Аминь.

Кафисма вторая

¹В конец, о тайных сына, псалом Давиду, 9

²Исповёмся Тебе, Гóсподи, всем сёрдцем моим, повём вся чудеса Твоя. ³Возвеселю́ся и возра́дуюся о Тебе, пою имени Твоему, Вы́шний. ⁴Внегда возврати́тся врагу моему вспять, изнемо́гут и поги́бнут от лица Твоего. ⁵Яко сотвори́л еси́ суд мой, и прю мою, сел еси́ на Престоле, судя́й правду. ⁶Запретил еси́ язы́ком, и поги́бе нечестивый, имя его потреби́л еси́ в век и в век ве́ка. ⁷Врагу оскуде́ша ору́жия в конец, и гра́ды разруши́л еси́, поги́бе память его с шумом. ⁸И Господь во век пребыва́ет, угото́ва на суд Престо́л Свой, ⁹и Той суди́ти има́ть вселённей в правду, суди́ти има́ть лю́дем в правоте. ¹⁰И бысть Господь прибе́жище убо́гому, помощник во благовре́мениих, в ско́рбех. ¹¹И да упова́ют на Тя зна́ющие имя Твое, я́ко не оста́вил еси́ взыска́ющих Тя, Господи. ¹²Пойте Гóсподеви, живу́щему в Сионе, возвестите во язы́цех начинáния Его. ¹³Яко взыска́й кро́ви их помяну́, не забы́ зва́ния убо́гих. ¹⁴Поми́луй мя, Гóсподи, виждь смирение мое от враг

моих, возносяй мя от врат смёртных. ¹⁵ Яко да возвещу вся хвалы Твоя во вратех дщере Сиони, возрадуемся о спасении Твоем. ¹⁶ Углебоша языцы в пагубе, юже сотвориша, в сети сей, юже скрыша, увязе нога их. ¹⁷ Знаемь есть Господь судьбы творяй, в делех руку Своею увязе грешник. ¹⁸ Да возвратятся грешницы во ад, вси языцы забывающии Бога. ¹⁹ Яко не до конца забвен будет нищий, терпение убогих не погибнет до конца. ²⁰ Воскресни, Господи, да не крепится человек, да судятся языцы пред Тобою. ²¹ Постави, Господи, законоположителя над ними, да разумют языцы, яко человецы суть. ²² Вскую, Господи, отстоя далече, презираеши во благовремениих, в скорбех? ²³ Внегда гордиться нечестивому, возгарается нищий, увязают в советех, яже помышляют. ²⁴ Яко хвалимь есть грешный в похотех души своея, и обидяй благословимь есть. ²⁵ Раздражи Господа грешный, по множеству гнева своего не взыщет: несть Бога пред ним. ²⁶ Оскверняются пути его на всякое время, отъемлются судьбы Твоя от лица его: всеми враги своими обладает. ²⁷ Рече бо в сердце своем: не подвижуся от рода в род без зла. ²⁸ Егоже клятвы уста его полна суть, и горести и лести, под языком его труд и болезнь. ²⁹ Приседит в ловительстве с богатыми в тайных, еже убить неповиннаго, очи его на нищаго призираете. ³⁰ Ловит в тайне, яко лев во ограде своей, ловит, еже вос-

хїтити нїщаго, восхїтити нїщаго, внегда привлещї и в сѣти своей. ³¹Смирїт его, преклонїтся и падѣт, внегда ему обладати убѣгими. ³²Рече бо в сердце своем: забы Бог, отврати лице Свое, да не видит до конца. ³³Воскресни, Господи, Боже мой, да вознесѣтся рука Твоя, не забуди убѣгих Твоих до конца. ³⁴Чесѡ ради прогнева нечестивый Бога? Рече бо в сердце своем: не възыщет. ³⁵Видиши, яко Ты болезнь и ярость смотриаши, да предан будет в рѣце Твои, Тебе оставлен есть нищий, сїру Ты буди Помощник. ³⁶Сокруши мѣшцу грешному и лукавому, възыщется грех его и не обрящется. ³⁷Господь Царь во век и в век века, погїбнете языцы от земли Его. ³⁸Желаніе убѣгих услышал еси, Господи, уготованію сердца их внят ухо Твое. ³⁹Суди сїру и смирену, да не приложит кому величаться человек на земли.

В конец, псалом Давиду, 10

¹На Господа уповах, како речете души моей: превитаи по горам, яко птица? ²Яко се грешницы налякоша лук, уготоваша стрѣлы в туле, состреляти во мрѣце правыя сердцем. ³Зане яже Ты совершил еси, они разрушиша, праведник же что сотвори? Господь во храме святем Своем. ⁴Господь, на Небесї Престол Его, очи Его на нищаго призираете, вежди Его

испытáете сыны чело́веческия. ⁵Господь испытáет прáведнаго и нечестиваго, любя́й же неправду ненави́дит свою душу. ⁶Одождíт на грешники сети, огонь и жупел, и дух буре́н, часть чаши их. ⁷Яко прáведен Господь, и прáвды возлюбí, правоты́ ви́де лице́ Его.

Слава:

¹В конец о осмей, псалом Давиду, 11

²Спаси́ мя, Го́споди, я́ко оскуде́ преподо́бный, я́ко ума́лишася и́стины от сыно́в чело́веческих. ³Су́етная глаго́ла кийждо ко искреннему своему: устне́ льстивыя в сердце, и в сердце глаго́лаша злая. ⁴Потребíт Господь вся устны́ льстивыя, язык велеречивый. ⁵Рекшы́я: язык наш возвели́чим, устны́ наша при нас суть, кто нам Господь есть? ⁶Страсти ради нищих и воздыхáния убогих, ны́не воскресну́, глаголет Господь, положу́ся во спасение, не обиню́ся о нем. ⁷Словеса́ Господня, словеса́ чиста, серебро́ разжже́но, искуше́но земли́, очище́но седмери́цею. ⁸Ты, Го́споди, сохрани́ши ны и соблюде́ши ны от рода сего и во век. ⁹Окрест нечестивии ходят: по высотé Твоей умно́жил еси́ сыны чело́веческия.

¹В конец, псалом Давиду, 12

²Докóле, Гóсподи, забúдеши мя до конца? Докóле отвраща́еши лице́ Твое от мене́? ³Докóле положу́ советы в души́ моей, болезни в сердце моем день и ночь? Докóле вознесётся враг мой на мя? ⁴Призри, услы́ши мя, Гóсподи, Бóже мой, просвети́ очи мои, да не когда́ усну́ в смерть, ⁵да не когда́ речёт враг мой: укрепихся на него. ⁶Стужа́ющие ми возра́дуются, а́ще подви́жуся. ⁷Аз же на милость Твою упова́х. Возра́дуется сердце мое о спасении Твоем, воспою́ Гóсподеви, благоде́явшему мне, и пою имени Господа Вышняго.

В конец, псалом Давиду, 13

¹Рече́ безу́мен в сердце своем: несть Бог. Раствлэша и омерзйшася в начинáниях: несть творя́й благосты́ню. ²Госпо́дь с Небесé приниче на сыны́ человéческа, видети, а́ще есть разумева́яй или́ взыска́яй Бога. ³Вси уклони́шася, вку́пе неключи́ми бы́ша: несть творя́й благосты́ню, несть до еди́наго. ⁴Ни ли уразуме́ют вси дéлающие беззаконие, снеда́ющие люди́ моя в снедь хлэба? Гóспода не призва́ша. ⁵Та́мо убо́яшася страха, иде́же не бе страх, я́ко Господь в рóде правед-

ных. ⁶Совет ни́щаго посрамі́сте, Госпо́дь же упова́ние его
есть. ⁷Кто даст от Сиона спасе́ние Изра́илево? ⁸Внегда воз-
враті́т Госпо́дь плене́ние людей Свои́х, возра́дуется Иаков и
возвеселі́тся Изра́иль.

Слава:

В конец, псалом Давиду, 14

¹Господи, кто обита́ет в жили́щи Твоем? Или́ кто вселі́т-
ся во святу́ю го́ру Твою? ²Ходя́й непорб́чен и де́лаяй прав-
ду, глаго́лай і́стину в сердце своем. ³Иже не ульсті́ язы́ком
свои́м, и не сотвори́ і́скреннему своему́ зла, и поноше́ния не
прия́т на бли́жния своя́. ⁴Уничже́н есть пред ним лука́вну-
я́й, боя́щыя же ся Господа сла́вит, клены́йся і́скреннему сво-
ему́ и не отме́таяся. ⁵Сребра своего́ не даде́ в ли́хву и мзды
на непови́нных не прия́т. Творя́й сия не подви́жится во век.

Столпописа́ние Давиду, 15

¹Сохрани́ мя, Господи, я́ко на Тя упова́х. ²Рех Госпо́деви:
Госпо́дь мой еси́ Ты, я́ко благи́х моих не тре́буеши. ³Святым,
и́же суть на земли́ Его, удиви́ Госпо́дь вся хоте́ния Сво́я в
них. ⁴Умно́жишася не́мощи их, по сих ускори́ша: не себе-

ру́ соборы их от кровей, ни помяну́ же имён их устна́ма мо-
и́ма. ⁵Госпо́дь часть достоя́ния моего и чаши моея́, Ты еси́
устроя́яй достоя́ние мое мне. ⁶У́жя нападóша ми в держав-
ных моих, и́бо достоя́ние мое державно́ есть мне. ⁷Благо-
словлю́ Господа, вразуми́вшего мя, ещё́ же и до но́щи нака-
за́ша мя утробы́ моя. ⁸Предзрех Го́спода предо мною́ ви́ну,
я́ко одесну́ю мене́ есть, да не подви́жуся. ⁹Сего́ ра́ди возвесе-
ли́ся сердце мое и возра́довася язык мой, еще́ же и плоть моя
вселит́ся на упова́нии. ¹⁰Я́ко не оста́виши ду́шу мою́ во аде,
ниже́ да́си преподобному Твоему́ ви́дети ислéния. ¹¹Сказал
ми еси́ пути́ живота, испóлниши мя весели́я с лицом Твоим,
красотá в десни́це Твоей в конец.

Молитва Давиду, 16

¹Услы́ши, Го́споди, правду мою́, вонми́ моле́нию моему́,
внуши́ молитву мою́ не во устна́х льсти́вых. ²От лица Твоего
судьба моя́ изы́дет, очи мои́ да ви́дита правоты́. ³Искусил еси́
сердце мое, посетил еси́ но́щию, искусил мя еси́, и не обрете-
ся во мне неправда. ⁴Я́ко да не возглаго́лют уста́ моя́ дел че-
лове́ческих, за словеса́ устен Твоих аз сохрани́х пути́ жéсто-
ки. ⁵Соверши́ стопы́ моя́ во стезя́х Твоих, да не подви́жут-
ся стопы́ моя. ⁶Аз воззва́х, я́ко услы́шал мя еси́, Бо́же, прик-

лоні ухо Твое мне и услыши глаголы моя. ⁷Удиві милости Твоя, спаса́яй упова́ющыя на Тя от протівящихся десни́це Твоей. ⁸Сохрани мя, Го́споди, я́ко зе́ницу о́ка, в крѣ́ве крилу́ Твоею покрѣ́ши мя. ⁹От лица нечесті́вых, остра́стших мя, врази́ мои душу мою одержа́ша. ¹⁰Тук свой затвори́ша, уста́ их глаго́лаша горды́ню. ¹¹Изгоня́щии мя ныне обыдо́ша мя, очи свои возложи́ша уклони́ти на зе́млю. ¹²Объя́ша мя я́ко лев готов на лов, и я́ко ски́мен обита́яй в та́йных. ¹³Воскресни́, Го́споди, предвари́ я, и запни́ им, изба́ви душу мою от нечесті́ваго, оружие Твое от враг руки Твоея. ¹⁴Го́споди, от малых от земли раздели́ я в животѣ́ их, и сокровенных Твоих исполни́ся чрево их, насы́тишася сынѡ́в, и оста́виша оста́нки младѣ́нцем своим. ¹⁵Аз же правдою явлю́ся лицу Твоему, насы́щуся, внегда́ яви́ти ми ся славе Твоей.

Слава:

Трисвятое. Пресвятая Троице... Отче наш...

Тропарі, глас 2-й:

Аз сый дре́во непло́дное, Господи, умилѣ́ния плода́ не ношу́ отню́д, и посече́ния страшу́ся, и огня́ она́го бою́ся негасима́го. Темже Тя молю: пре́жде о́ныя ну́жды обрати́ и спаси́ мя. Я́ко во́лны морскія́, на мя воста́ша беззако́нныя моя́, я́ко корабле́ц в пучи́не, аз еди́н обурева́юся от прегреше́ний

многих, но в тихое пристанище настáви мя, Господи, пока́нием и спаси мя.

Слава: Помилуй мя, рече́ Давид, и аз Тебе зову́: согреших, Спа́се, грехи моя очи́стив пока́нием, помилуй мя.

И ны́не: Предста́тельство тёплое христиан, Сына Твоего моли́, Богоро́дице, всякаго злоде́йства и лю́бости избавити нас ра́тника, и дати прощение нам, о нихже согрешихом, милосе́рдия ради щедро́т, Твоими молитвами, Мати Дево.

Господи, помилуй. (*40 раз*)

Молитва

Влады́ко Вседержи́телю, Отче Господа нашего Иисуса Христа, Единоро́днаго Твоего Сына, даждь ми тело нескве́рное, сердце чистое, ум бодр, разум незаблудный, Духа Свята́го наше́ствие, к стяжанию и дово́льству истины во Христе Твоем: с Ни́мже Тебе слава подобáет, честь и поклонéние, со Святым Духом, ны́не и прѣсно и во веки веков. Аминь.

Кафисма третья

¹В конец, óтроку Госпóдню Давиду, яже глаго́ла Гóсподеви словеса́ песни сея́, в день, вонъже избáви его Госпóдь от руки всех враг его, и из руки Сау́ли, и рече: 17

²Возлюблю́ Тя, Гóсподи, крѣпосте моя. ³Господь утверждѣние мое, и прибѣжище мое, и Избáвитель мой, Бог мой, Помощник мой, и уповаю на Него, Защи́титель мой, и рог спасения моего, и Засту́пник мой. ⁴Хваля́ призову́ Гóспода, и от враг моих спасу́ся. ⁵Одержáша мя болезни смѣртныя, и потóцы беззакóния смятóша мя, ⁶болезни адовы обыдóша мя, предвари́ша мя сети смертныя. ⁷И внемá скорбѣти ми, призвáх Гóспода, и к Богу моему воззвáх, услы́ша от храма святаго Своего глас мой, и вопль мой пред Ним вни́дет во уши Его. ⁸И подви́жеся, и трѣпетна бысть земля, и основанія гор смятóшася и подвиго́шася, я́ко прогнѣвася на ня Бог. ⁹Взыде дым гневом Его, и огонь от лица Его восплáменится, у́глие возгорѣся от Него. ¹⁰И приклонí небеса, и сни́де, и мрак под ногáма Его. ¹¹И взы́де на Херувíмы, и летѣ, ле-

тѣ на крилу́ вѣтренню. ¹²И положи тму закрѡв Свой, ѡкрест
Его селѣние Его, темна́ вода во ѡблацех воздушных. ¹³От ѡб-
листанія пред Ним ѡблацы проидѡша, град и ўглие ѡгнен-
ное. ¹⁴И возгремѣ с Небесѣ Господь, и Вы́шний даде́ глас
Свой. ¹⁵Низпосла стрѣлы, и разгна́ я, и молнии умножи, и
смяте́ я. ¹⁶И яви́шася истѡчницы водни́и, и открь́шася ос-
нованія вселѣнныя, от запрещѣния Твоего, Гѡсподи, от дох-
новѣния духа гнева Твоего. ¹⁷Низпосла́ с высоты́, и прият́
мя, восприят́ мя от вод мно́гих. ¹⁸Избáвит мя от врагов мо-
их сильных и от ненавидящих мя, яко утверди́шася пáче ме-
не́. ¹⁹Предварѣша́ мя в день озлобленія моего, и бысть Гос-
подь утверждѣние мое. ²⁰И изведе́ мя на широту́, избáвит
мя, яко восхотѣ́ мя. ²¹И возда́ст ми Господь по правде мо-
ей, и по чистотѣ́ руку́ мою возда́ст ми. ²²Яко сохраних пу-
ти Господни и не нечѣствовах от Бога моего. ²³Яко вся судь-
бы́ Его предо мною́, и оправданія Его не отступѣша от ме-
не́. ²⁴И буду непорѡчен с Ним, и сохраню́ся от беззаконія
моего. ²⁵И возда́ст ми Господь по правде мое́й и по чистотѣ́
руку́ мою пред очима́ Его. ²⁶С преподѡбным преподѡбен
бѹдеши, и с мѹ́жем неповѣнным неповѣнен бѹдеши, ²⁷ и со
избранным избран бѹдеши, и со строптивым разврати́шися.
²⁸Яко Ты люди смиренныя спасѣши и очи гордых смири́ши.

²⁹ Яко Ты просветиши светильник мой, Господи, Бóже мой, просветиши тму мою. ³⁰ Яко Тобою избавлюся от искушения и Богом моим прейдú стéну. ³¹ Бог мой, непорочен путь Его, словеса Господня разжжена, Защи́титель есть всех упова́ющих на Него. ³² Яко кто бог, рáзве Гóспода? Или́ кто бог, рáзве Бога нашего? ³³ Бог препоясу́й мя си́лою, и положи непорóчен путь мой. ³⁴ Соверша́й но́зе мои, я́ко елэни, и на высоких поставля́й мя. ³⁵ Науча́й ру́це мои на брань, и положи еси́ лук ме́дян мы́шца моя. ³⁶ И дал ми еси́ защи́щение спасения, и десни́ца Твоя восприя́т мя, и наказáние Твое исправит мя в конец, и наказáние Твое то мя научи́т. ³⁷ Ушири́л еси́ стопы́ моя подо мно́ю, и не изнемогóсте плесне́ мои. ³⁸ Пожену́ враги моя, и пости́гну я́, и не возвращу́ся, дóндеже сконча́ются. ³⁹ Оскорблю́ их, и не возмо́гут ста́ти, падут под нога́ма мойма. ⁴⁰ И препоясал мя еси́ си́лою на брань, спял еси́ вся востаю́щыя на мя под мя. ⁴¹ И врагов моих дал ми еси́ хребéт, и ненави́дящыя мя потреби́л еси́. ⁴² Воззва́ша, и не бе спасая́: ко Гóсподу, и не услы́ша их. ⁴³ И истню́ я́ я́ко прах пред лицом ветра, я́ко брэ́ние путéй погла́жду я́. ⁴⁴ Избáвиши мя от пререкания людей, поставиши мя во главу язы́ков. Лю́дие, ихже не ве́дех, рабóташа ми. ⁴⁵ В слух уха послу́шаша мя. Сы́нове чужди́и солга́ша ми. ⁴⁶ Сы́нове чужди́и обет-

ша́ша и охромо́ша от стезь своих. ⁴⁷ Жив Господь, и благо-
словен Бог, и да вознесётся Бог спасения моего. ⁴⁸ Бог дай
отмщение мне и покоривый люди под мя. ⁴⁹ Избавитель мой
от враг моих гневливых, от востающих на мя вознесеши мя,
от мужа неправедна избавиши мя. ⁵⁰ Сего ради исповемся
Тебе во языцех, Господи, и имени Твоему пою: ⁵¹ величаяя
спасения царева, и творяя милость христу Своему Давиду,
и семени его до века.

Слава:

¹В конец, псалом Давиду, 18

² Небеса поведают славу Божию, творение же руку Его воз-
вещает твердь. ³ День дни отрыгает глагол, и ночь ночи воз-
вещает разум. ⁴ Не суть речи, ниже словеса, ихже не слышат-
ся гласи их. ⁵ Во всю землю изыде вещание их, и в концы все-
ленныя глаголы их. В солнце положи селение Свое, ⁶ и Той,
яко Жених исходяй от чертога Своего, возрадуется, яко Ис-
полин теши путь. ⁷ От края небес исход Его, и сретение Его
до края небес, и несть иже укроется теплоты Его. ⁸ Закон
Господень непорочен, обращаая души, свидетельство Гос-
подне верно, умудряющее младенцы. ⁹ Оправдания Господня
права, веселящая сердце, заповедь Господня светла, просве-

щающая очи. ¹⁰Страх Господень чист, пребываяй в век века: судьбы Господни истинны, оправданы вкупе, ¹¹вожделенны паче злата и камене честна многа и слаждша паче меда и сота. ¹²Ибо раб Твой хранит я, вегда сохранити я, воздаяние много. ¹³Грехопадения кто разумет? От тайных моих очисти мя, ¹⁴и от чуждых пощади раба Твоего, аще не обладают мною, тогда непорочен буду и очищуся от греха велика. ¹⁵И будут во благоволение словеса уст моих, и поучение сердца моего пред Тобою выну, Господи, Помощнице мой и Избавителю мой.

¹В конец, псалом Давиду, 19

²Услышит тя Господь в день печали, защитит тя имя Бога Иаковля. ³Послет ти помощь от Святаго и от Сиона заступит тя. ⁴Помянет всяку жертву твою, и всесожжение твое тучно буди. ⁵Даст ти Господь по сердцу твоему и весь совет твой исполнит. ⁶Возрадуемся о спасении твоём и во имя Господа Бога нашего возвеличимся. Исполнит Господь вся прошения твоя. ⁷Ныне познах, яко спасе Господь христа Своего, услышит Его с Небес Святаго Своего, в силах спасение десницы Его. ⁸Сии на колесницах, и сии на конех, мы же во имя Господа Бога нашего призовём. ⁹Тии спяти быша и па-

дóша, мы же востáхом и испрáвихомся. ¹⁰Гóсподи, спаси́ ца-
ря и услыши ны, вóньже аще день призовём Тя.

¹Псалом Давиду, 20

²Гóсподи, си́лою Твоею возвеселится́ царь и о спасéнии
Твоём возра́дуется зело́. ³Желáние сёрдца его дал еси́ ему, и
хотéния устну́ его неси́ лиш́ил его. ⁴Яко предвари́л еси́ его
благословéнием благосты́нным, положи́л еси́ на главе его ве-
не́ц от ка́мене чéстна. ⁵Животá проси́л есть у Тебе, и дал
еси́ ему долготу́ дней во век века. ⁶Вéлия слава его спасéнии-
ем Твоим, сла́ву и велелéпие возложи́ши на него. ⁷Яко да́си
ему благословéние во век véка, возвесели́ши его ра́достью
с лицём Твоим. ⁸Яко царь уповаёт на Гóспода, и милостию
Вы́шняго не подви́жится. ⁹Да обря́щется рука́ Твоя́ всем вра-
гом Твоим, десни́ца Твоя́ да обря́щет вся ненави́дящыя Те-
бе. ¹⁰Яко положи́ши их я́ко печь о́гненную во время лица
Твоего, Господь гневом Своим смятёт я́, и снести́ их огонь.
¹¹Плод их от земли погуби́ши, и семя их от сынов человече-
ских. ¹²Яко уклони́ша на Тя злáя, помы́слиша советы, ихже
не возмо́гут соста́вити. ¹³Яко положи́ши я́ хребёт, во избы́т-
цах Твоих уготóвиши лице́ их. ¹⁴Вознеси́ся, Гóсподи, си́лою
Твоею, воспоем и поем силы́ Твоя́.

Слава:

¹В конец, о заступлении утреннем, псалом Давиду, 21

²Боже, Боже мой, вонми ми, вскую оставил мя еси? Далече от спасения моего словеса грехопадений моих. ³Боже мой, воззову во дни, и не услышиши, и в ночи, и не в безумие мне. ⁴Ты же во Святом живёши, хвалю Израилева. ⁵На Тя уповаша отцы наши, уповаша, и избавил еси я. ⁶К Тебе возваша, и спасошася, на Тя уповаша, и не постыдешася. ⁷Аз же есмь червь, а не человек, поношение человеков и унижение людей. ⁸Вси видящие мя поругаша ми ся, глаголаша устнами, покиваша главою: ⁹упова на Господа, да избавит его, да спасет его, яко хощет его. ¹⁰Яко Ты еси исторгий мя из чрева, упование мое от сосцу матери моея. ¹¹К Тебе привержен есмь от ложесн, от чрева матери моея Бог мой еси Ты. ¹²Да не отступиши от мене, яко скорбь близ, яко несть помогай ми. ¹³Обыдоша мя тельцы мнози, юнцы тучнии одержаша мя. ¹⁴Отверзоша на мя уста своя, яко лев восхищай и рыкай. ¹⁵Яко вода излихся, и разсыпашася вся кости моя, бысть сердце мое яко воск, таяй посреде чрева моего. ¹⁶Изше яко скудель крепость моя, и язык мой прильпе гортани

моему, и в персть смерти свел мя еси. ¹⁷ Яко обыдоша мя пси мнози, сонм лукавых одержаша мя, ископаша рuce мои и нoзе мои. ¹⁸ Исчетоша вся кости моя, тии же смотриша и презреша мя. ¹⁹ Разделиша ризы моя себе, и о одежди моей меташа жребий. ²⁰ Ты же, Господи, не удали помощь Твою от мене, на заступление мое вонми. ²¹ Избави от орудия души мою, и из руки пeсии единородную мою. ²² Спаси мя от уст львовых и от рог единорожь смирение мое. ²³ Повем имя Твое братии моей, посреде цeркве воспою Тя. ²⁴ Боящиеся Господа, восхвалите Его, все семья Иаковле, прославите Его, да убойтсЯ же от Него все семья Израилево. ²⁵ Яко не уничижи, ниже негодова молитвы ницаго, ниже отврати лице Своe от мене, и егда възвах к Нему, услыша мя. ²⁶ От Тебе похвала моя, в цeркви велицей исповeмся Тебе, молитвы моя воздам пред боящимися Его. ²⁷ Ядят убoзии и насытятся, и восхвалят Господа взыскающии Его, живa будут сердца их в век века. ²⁸ ПомянутсЯ и обратятсЯ ко Господу вси концы земли, и поклонятсЯ пред Ним вся отечествия язык. ²⁹ Яко Господне есть Царствие, и Той обладает языки. ³⁰ Ядоша и поклонишасЯ вси тучнии земли, пред Ним припадут вси низходящии в зeмлю, и душа моя Тому живeт. ³¹ И семья мое порабoтает Ему, возвестит Господеви род грядущий. ³² И возвестят правду Его людем рoждшымся, яже сотвори Господь.

Псалом Давиду, 22

¹Господь пасёт мя, и ничто́же мя лишит. ²На месте зла́чне, та́мо всели́ мя, на воде́ поко́йне воспита́ мя. ³Ду́шу мою́ обрати́, наста́ви мя на стези́ пра́вды, и́мене ра́ди Своего. ⁴Аще бо и пойду́ посреде́ сени́ сме́ртныя, не убою́ся зла, я́ко Ты со мно́ю еси́, жезл Твой и па́лица Твоя́, та мя утэшиста. ⁵Угото́вал еси́ предо мно́ю трапéзу сопроти́в стужа́ющим мне, ума́стил еси́ елём главу́ мою, и чаша Твоя́ упоява́ющи мя, я́ко держа́вна. ⁶И милость Твоя́ поженёт мя вся дни живота́ моего́, и е́же вселити ми ся в дом Господень, в долготу́ дней.

Псалом Давиду, еди́ныя от суббо́т, 23

¹Господня земля, и исполне́ние ея, вселённая и вси жи́вущи на ней. ²Той на моря́х основа́л ю́ есть, и на река́х уго́товал ю́ есть. ³Кто взы́дет на го́ру Господню? Или́ кто ста́нет на ме́сте святе́м Его́? ⁴Непови́нен рука́ма и чист се́рдцем, и́же не прия́т всу́е душу́ свою, и не кля́тся ле́стиею и́скреннему своему. ⁵Сей при́имет благослове́ние от Господа, и ми́лостыню от Бога, Спа́са своего́. ⁶Сей род и́щущих Господа, и́щущих лице́ Бога Иа́ковля. ⁷Возми́те врата́ кня́зи ва́ша,

и возмітєся вратá вѣчная, и внідет Царь славы. ⁸Кто есть сей Царь славы? Господь крѣпок и силен, Господь силен в брані. ⁹Возміте вратá князи ваша, и возмітєся вратá вечная, и внідет Царь славы. ¹⁰Кто есть сей Царь славы? Господь сил, Той есть Царь славы.

Слава:

Трисвятое. Пресвятая Троице... Отче наш...

Тропарі, глас 3-й:

Живу́щи на землі, ду́ше моя, покайся: персть во гробѣ не поёт, прегрешѣний не избавляет. Возопій Христу Богу: Сердцевѣдче, согрешіх, прежде даже не осудиши мя, помилуй мя. Докóле, душе моя, пребыва́еши в прегрешѣніих? Докóле приѣмлеши покаяния преложѣние? Приими во уме суд грядущий и возопій Господу: Сердцевѣдче, согреших, прежде даже не осудиши мя, помилуй мя.

Слава: На Страшном Судіици без оглаго́льников облича́юся, без свидетелей осужда́юся, книги бо совѣстныя разгиба́ются, и дела́ сокровѣнная открываются. Прежде неже во о́ном всенародном позóрици ймаши испытáти, яже мною содѣянная, Бóже, очисти мя и спаси мя.

И ныне: Недоразумевáемое и непостижимое есть, Владычице Богоблагодáтная, содѣянное о Тебе страшное таинство: Необъѣмлемаго бо, зачѣнши, родила еси́ плóтию обло-

жённаго от чистых кровей Твоих: Егоже, Чистая, яко Сына Твоего, моли спасти вся поющыя Тя.

Господи, помилуй. (40 раз)

Молитва

Господи Вседержителю, Слове Пребезначальнаго Отца, самосовершенный Бóже Иисусе Христе, милосердия ради безприкладнаго милости Твоея, никакоже разлучаяйся Твоих раббв, но присно в них почиваяяй, не остави мя, раба Твоего, Всесвятый Царю, но даждь мне, недостойному, радование спасения Твоего и просвети мой ум светом познания Евангелиа Твоего, душу мою любовью Креста Твоего обяжи, тело же мое Твоим безстрастием украси, мысли умири и нóзе мои сохрани от поползновения, и не погуби мя со беззаконными моими, Благий Господи, но искуси мя, Бóже, и вразуми сердце мое, испытай мя и увежди стези моя, и вижди, аще путь беззакония во мне, и отвори от него, и настави мя на путь вечен. Ты бо еси Путь, и Истина, и Живот, и Тебе славу возсылаем со Безначальным Твоим Отцем и Пресвятым, и Благим, и Животворящим Духом, ныне и присно и во веки веков. Аминь.

Кафисма четвертая

Псалом Давиду, 24

¹К Тебѣ, Господи, воздвигóх дúшу мою, Бóже мой, на Тя упováх, да не постыжúся во век, ниже да посмею́т ми ся врази мои, ²и́бо вси терпя́щии Тя не постыдятся. ³Да постыдятся беззакóннующии вотще. ⁴Пути́ Твоя, Господи, скажи́ ми, и стезя́м Твоим научи́ мя. ⁵Настáви мя на и́стину Твою, и научи мя, я́ко Ты еси́ Бог Спас мой, и Тебе терпéх весь день. ⁶Помяни́ щедрóты Твоя, Господи, и милости Твоя, я́ко от века суть. ⁷Грех юности моея́, и неведения моего не помяни́, по милости Твое́й помяни́ мя Ты, ради блага́сти Твоея́, Господи. ⁸Благ и прав Господь, сегó ради законоположи́т согрешáющим на пути́. ⁹Настáвит крóткия на суд, научи́т крóткия путем Своим. ¹⁰Вси путиé Господни милость и и́стина, взыска́ющим заветá Егó, и свидения Его. ¹¹Ради и́мене Твоегó, Господи, и очисти грех мой, мног бо есть. ¹²Кто есть человекó боя́йся Господа? Законоположи́т ему на пути́, егóже избóли. ¹³Душа его во благих водворится, и семя его наслéдит зéмлю. ¹⁴Держáва Господь боя́щихся Его, и завет́ Его яви́т им. ¹⁵Очи

мой вы́ну ко Господу, яко Той истóргнет от сети но́зе мои.
¹⁶При́зри на мя и помилуй мя, яко единорóд и нищ есмь аз.
¹⁷Скóрби сéрдца моего умно́жишася, от нужд моих изведи́
мя. ¹⁸Виждь смире́ние мое, и труд мой, и оста́ви вся грехи́
моя. ¹⁹Виждь враги́ моя, яко умно́жишася, и ненавидéнием
непра́ведным возненавидеша мя. ²⁰Сохрани́ ду́шу мою, и из-
ба́ви мя, да не постыжýся, яко упова́х на Тя. ²¹Незлóбивии и
пра́вии прилепля́хуся мне, яко потерпéх Тя, Господи. ²²Из-
ба́ви, Бóже, Изра́иля от всех скорбе́й его.

Псалом Давиду, 25

¹Суди́ ми, Господи, яко аз незлóбою моею ходи́х, и на
Господа упова́я, не изнемогý. ²Искусí мя, Господи, и ис-
пыта́й мя, разжзи́ утробы́ моя, и сердце мое. ³Яко мило́сть
Твоя́ пред очима́ моима́ есть, и благоугоди́х во истине Тво-
ей. ⁴Не седóх с сонмом сýетным, и со законопресту́пными не
вни́ду. ⁵Возненавидех церковь лука́внующих, и с нечестивы-
ми не сяду. ⁶Умыю́ в непови́нных ру́це мои, и обы́ду же́рт-
венник Твой, Господи. ⁷Еже услы́шати ми глас хвалы́ Твоея́,
и пове́дати вся чудеса́ Твоя́. ⁸Господи, возлюбíх благоле́пие
до́му Твоего́ и ме́сто селéния сла́вы Твоея. ⁹Да не погуби́ши

с нечестивыми душу мою, и с мужи кровей живот мой. ¹⁰ Их же в руку беззакония, десница их исполнися мзды. ¹¹ Аз же незлобою моею ходих, избави мя, Господи, и помилуй мя. ¹² Нога моя ста на правоте: в церквах благословлю Тя, Господи.

Псалом Давиду, прежде помазания, 26

¹ Господь просвещение мое и Спаситель мой, кого убоясь? Господь Защититель живота моего, от кого утрусюсь? ² Внегда приближаться на мя злобующим, еже снести плоти моя, оскорбляющие мя, и врази мой, тии изнемогша и падоша. ³ Аще ополчится на мя полк, не убойтся сердце мое, аще востанет на мя брань, на Него аз уповаю. ⁴ Единого просих от Господа, то взыщу: еже жити ми в дому Господни вся дни живота моего, зрети ми красоту Господню и посещати храм святой Его. ⁵ Яко скры мя в селении Своем в день зол моих, покры мя в тайне селения Своего, на камень вознесё мя. ⁶ И ныне, се вознесё главу мою на враги моя: обыдох и пожрох в селении Его жертву хваления и воскликновения, пою и воспую Господеви. ⁷ Услыши, Господи, глас мой, имже возвах: помилуй мя и услыши мя. ⁸ Тебе рече сердце мое: Господа взыщу. Взыска Тебе лице мое, лица Твоего, Госпо-

ди, взыщú. ⁹ Не отврати́ лица́ Твоего от мене́ и не уклони́ся гнѣвом от раба́ Твоего́: помóщник мой буди́, не отри́ни мене́, и не оста́ви мене́, Бóже Спаси́телю мой. ¹⁰ Яко отѣц мой и ма́ти моя оста́виста мя, Госпо́дь же восприя́т мя. ¹¹ Зако́ноположи́ ми, Госпо́ди, в пу́ти Твоем и наста́ви мя на стезю́ пра́вую враг моих ра́ди. ¹² Не преда́ждь мене́ в ду́шы стужа́ющих ми, я́ко воста́ша на мя свидѣтеле неправеднии и солга́ неправда себе́. ¹³ Ве́рую видети́ благая́ Госпо́дня на земли́ живых. ¹⁴ Потерпи́ Госпо́да, мужай́ся, и да кре́пится се́рдце твое, и потерпи́ Госпо́да.

Слава:

Псалом Давиду, 27

¹ К Тебе, Госпо́ди, воззову́, Бóже мой, да не премолчи́ши от мене́, да не когда́ премолчи́ши от мене́, и уподо́блюся низходя́щим в ров. ² Услы́ши, Госпо́ди, глас моле́ния моего, внегда́ моли́ти ми ся к Тебе, внегда́ возде́ти ми ру́це мой к хра́му святому́ Твоему́. ³ Не привлецы́ мене́ со грѣшники и с де́лающими неправду́ не погуби́ мене́, глаго́лющими мир с бли́жними свои́ми, злая́ же в се́рдцах свои́х. ⁴ Да́ждь им, Госпо́ди, по делóм их, и по лука́вству начинаний их: по делóм руку́ их даждь им, возда́ждь воздая́ние их им. ⁵ Яко не разуме́ша в

делá Господня и в делá руку́ Его: разориши я́, и не сози́ждеши я́. ⁶Благословén Господь, яко услыша глас молéния моего́. ⁷Господь Помóщник мой и Защи́титель мой: на Него упова́ сёрдце моё, и помóже ми, и процветé плоть моя́, и волею моею исповёмся Ему. ⁸Господь утверждéние людей Свои́х, и Защи́титель спасéний христá Своего́ есть. ⁹Спаси́ люди Твоя и благослови́ достоя́ние Твое, и упаси́ я́, и возми́ я́ до вéка.

Псалом Давиду, исхо́да ски́нии, 28

¹Принесите Го́сподеви, сы́нове Божии, принесите Господеви сы́ны о́вни, принесите Го́сподеви сла́ву и честь. ²Принесите Господеви сла́ву имени Его́, поклоните́ся Го́сподеви во дворé святém Его. ³Глас Господень на вода́х, Бог сла́вы возгремé, Господь на вода́х мно́гих. ⁴Глас Господень в крéпости, глас Господень в великолéпии. ⁵Глас Господа, сокруша́ющаго кéдры, и стры́ет Господь кéдры Лива́нския: ⁶и истни́т я́ яко тельца́ Лива́нска, и возлю́бленный яко сын единоро́жь. ⁷Глас Господа, пресеца́ющаго пла́мень огня́. ⁸Глас Господа, стрясáющаго пусты́ню, и стрясéт Господь пусты́ню Каддйскую. ⁹Глас Господень сверша́ющий елэни, и откры́ет дубра́вы, и в хра́ме Его всякий глаго́лет сла́ву. ¹⁰Господь потóп населя́ет, и сядет Господь Царь в век. ¹¹Господь крéпость лю́дем Сво-

им даст, Господь благословит люди Своя миром.

¹Псалом пёсни, обновлёния дóму Давидова, 29

²Вознесу Тя, Господи, яко подъял мя еси, и не возвеселил еси врагов моих о мне. ³Господи Бóже мой, воззвах к Тебе, и исцелил мя еси. ⁴Господи, возвел еси от ада душу мою, спасл мя еси от низходящих в ров. ⁵Пойте Господеви, преподобнии Его, и исповедайте память святыни Его. ⁶Яко гнев в ярости Его, и живёт в воли Его: вечер водворится плачь, и заутра радость. ⁷Аз же рех во обилии моём: не подвижуся во век. ⁸Господи, волею Твоею подаждь доброте моей силу. Отвратил же еси лице Твое, и бых смущён. ⁹К Тебё, Господи, воззову, и к Богу моему помолюся. ¹⁰Ка́я польза в крови мóей, внегда сходити ми во ислёние? Еда́ исповестся Тебё персть, или́ возвестит истину Твою́? ¹¹Слы́ша Господь, и поми́лова мя: Господь бысть Помóщник мой. ¹²Обратил еси плачь мой в радость мне: разстерзал еси вретиче моё, и препоясал мя еси веселием. ¹³Яко да воспоеет Тебё сла́ва моя, и не умилюся. Господи Бóже мой, во век исповёмся Тебё.

Слава:

¹В конец, псалом Давиду, изступления, 30

²На Тя, Господи, упова́х, да не постыжу́ся во век: пра́вдою Твоею изба́ви мя и изми́ мя. ³Приклони́ ко мне у́хо Твое, ускори́ изъяти мя, бу́ди ми в Бога Защи́тителя, и в дом прибе́жища, е́же спасти́ мя. ⁴Яко держа́ва моя́ и прибе́жище моё еси́ Ты, и и́мене Твоего́ ра́ди наста́виши мя, и препита́еши мя. ⁵Изведе́ши мя от се́ти сея́, ю́же скры́ша ми, я́ко Ты еси́ Защи́титель мой, Господи. ⁶В ру́це Твои́ предложу́ дух мой: изба́вил мя еси́, Господи Бо́же истины. ⁷Возненави́дел еси́ храня́щия суеты́ вотще́: аз же на Господа уповах. ⁸Возра́дуюся и возвеселю́ся о милости Твоей, я́ко призре́л еси́ на смире́ние моё, спасл еси́ от нужд душу́ мою, ⁹и не́си мене́ за́творил в руках вра́жиих, поста́вил еси́ на простра́нне но́зе мои. ¹⁰Поми́луй мя, Господи, я́ко скорблю́: смяте́ся я́ростию око моё, душа́ моя́ и утроба́ моя. ¹¹Яко исче́зе в болезни́ живот мой и ле́та моя́ в воздыха́ниих, изнемо́же нището́ю крепость моя́, и кости́ моя́ смято́шася. ¹²От всех враг моих бых поноше́ние, и сосе́дом моим зело́, и страх зна́емым моим: ви́дящии мя вон бежа́ша от мене́. ¹³Забвён бых я́ко мертв от се́рдца, бых я́ко сосуд погубле́н. ¹⁴Яко слы́шах гажде́ние многих, живу́щих о́крест, внегда́ собра́тися им вку́пе на мя,

прия́ти ду́шу мою́ совеща́ша. ¹⁵Аз же на Тя, Господи, упова́х, рех: Ты еси́ Бог мой. ¹⁶В руку́ Твоею́ жре́бии мой: изба́ви мя из руки́ враг моих и от гонящих мя. ¹⁷Просвети́ лице́ Твое на раба Твоего, спаси мя ми́лостию Твоею. ¹⁸Господи, да не постыжу́ся, я́ко призва́х Тя: да постыда́тся нече́стивии и снѣдут во ад. ¹⁹Не́мы да будут устны́ льсти́выя, глаго́лющыя на пра́веднаго беззако́ние, горды́нею и уничиже́нием. ²⁰Коль многое мно́жество бла́гости Твоя, Господи, ю́же скрыл еси́ боя́щимся Тебе, соде́лал еси́ упова́ющим на Тя пред сы́ны челове́ческими. ²¹Скры́еши их в тайне лица Твоего от мятѣ́жа челове́ческа, покры́еши их в кро́ве от пререка́ния язык. ²²Благослове́н Господь, я́ко удивѣ́ милость Свою́ во граде огражде́ния. ²³Аз же рех во изступле́нии моем: отве́ржен есмь от лица о́чию Твоею: сего ради услы́шал еси́ глас моли́твы моея́, внемда́ воззва́х к Тебе. ²⁴Возлюби́те Господа, вси преподо́бнии Его, я́ко истины взыска́ет Господь, и возда́ет изли́ше творя́щим горды́ню. ²⁵Мужа́йтесь, и да крепи́тся се́рдце ваше, вси упова́ющи на Господа.

Псалом Давиду, ра́зума, 31

¹Блаже́ни, ихже оста́вишася беззако́ния и ихже прикро́ишася греси́. ²Блаже́н муж, ему́же не вменѣ́т Господь гре-

ха, ниже есть во устѣх его леть. ³Яко умолчах, обетшаша
кости моя, от еже звати ми весь день. ⁴Яко день и ночь отя-
готѣ на мне рука Твоя, возвратихся на страсть, егда унзе ми
терн. ⁵Беззаконие мое познах, и грех моего не покрых, рех:
исповем на мя беззаконие мое Господеви, и Ты оставил еси
нечестие сердца моего. ⁶За то помолится к Тебе всяк препо-
добный во время благопотребно: обаче в потоке вод многих
к нему не приближатся. ⁷Ты еси прибежище мое от скорби
обдержания мя: радости моя, избави мя от обышедших мя.
⁸Вразумлю ты и настаблю ты на путь сей, вонже пойдеша,
утвержу на тя очи Мои. ⁹Не будите яко конь и мек, имже
нестъ разума: бродами и уздою челюсти их востягнеши, не
приближающихся к тебе. ¹⁰Многи раны грешному, уповаю-
щего же на Господа милость обидет. ¹¹Веселитесь о Господе,
и радуйтесь, праведнии, и хвалитесь, вси правии сердцем.

Слава:

Трисвятое. Пресвятая Троице... Отче наш...

Тропарі, глас 7-й:

Смирѣнную мою дѹшу посети, Господи, во гресѣх все жи-
тиѣ иждившую: имже образом блудницу, приими и мене, и
спаси мя. Преплавая пучину настоящаго житія, помышляю
бѣзду многих моих зол, и не имей окормителя помыш-

лѣний, Петров провещаваю Ти глас: спаси мя, Христе, спаси мя, Бóже, яко Человеколюбец.

Слава: Скоро совнидем в невестник Христов, да вси услышим блаженный глас Христа Бога нашего: приидите, любящии Небесную славу, сопричастницы бывше мудрых дев, уяснившие свещи наша верою.

И ныне: Душе, покайся прежде исхода твоего, суд неумытен грешным есть и нестерпимый. Возопий Господу во умилении сердца: согреших Ти в ведении и не в ведении, Щедрый, молитвами Богородицы ущедри и спаси мя.

Господи, помилуй. (*40 раз*)

Молитва

Тебе, Господи, Единому Благому и Непамязлобному, исповедаю грехи моя, Тебе припадаю вопия, недостойный: согреших, Господи, согреших и несь достоин возрети на высоту небесную от множества неправд моих. Но, Господи мой, Господи, даруй ми слезы умиления, Единый Блаже и Милостивый, яко да ими Тя умолю, очиститися прежде конца от всякаго греха: страшно бо и грозно место имам проити, тела разлучився, и множество мя мрачное и безчеловечное демонов срящет, и никтоже в помощь спутствуяй или избавляяй. Тем припадаю Твоей благодсти, не предаждь обидящим мя, ниже да похвалятся о мне врази мои, Благий Господи, ниже да рекут: в руки наша пришел еси, и нам предан еси.

Ни, Господи, не забуди щедрот Твоих, и не воздаждь ми по беззаконием моим, и не отврати лица Твоего от мене: но Ты, Господи, накажи мя обаче милостию и щедротами. Враг же мой да не возрадуется о мне, но угаси его на мя прещения, и все упраздни его действо, и даждь ми к Тебе путь неукорный, Благий Господи: занеже и согрешив, не прибегах ко иному врачу, и не прострох руки моя к богу чуждему, не отри ни убо моления моего, но услыши мя Твоею благодатию, и утверди мое сердце страхом Твоим, и да будет благодать Твоя на мне, Господи, яко огонь поपालяй нечистыя во мне помыслы. Ты бо еси, Господи, свет, паче всякаго света; радость, паче всякия радости; упокоение, паче всякаго упокоения; жизнь истинная и спасение, пребывающее во веки веков. Аминь.

Кафисма пятая

Псалом Давиду, не надписан у еврей, 32

¹Ра́дуйтесь, пра́веднии, о Господе, пра́вым подобáет похвалá. ²Исповéдайтесь Господеву в гúслех, во псалтíри десятистру́ннем пойте Ему. ³Воспо́йте Ему песнь нову, дóбре по́йте Ему со восклицáнием: ⁴я́ко пра́во слóво Господне, и вся дела́ Его в ве́ре. ⁵Лю́бит милостыню и суд Господь, мило́сти Господни испо́лнь земля́. ⁶Слóвом Господним небеса́ утверди́шася, и дýхом уст Его́ вся сила их. ⁷Собира́яй я́ко мех во́ды морскíя, полага́яй в сокровищах бéздны. ⁸Да убои́тся Господа́ вся земля́, от Него́же да подви́жутся вси живúщи по вселénней. ⁹Я́ко Той рече́, и бы́ша, Той повеле́, и созда́шася. ¹⁰Господь разоряет советы́ язы́ков, отме́ает же мысли́ людéй, и отме́ает советы́ князе́й. ¹¹Совет же Господень во век пребывáет, помышлénия сёрдца́ Его́ в род и род. ¹²Блаже́н язы́к, ему́же есть Господь Бог его́, лю́ди, я́же избра́ в насле́дие Себе́. ¹³С Небесе́ призре́ Господь, ви́де вся сы́ны челове́ческа́я. ¹⁴От гото́ваго жили́ща Своего́ призре́ на

вся живущыя на земли. ¹⁵Создавый на еди́не сердца́ их, разумева́яй на вся дела́ их. ¹⁶Не спаса́ется царь мно́гою си́лою, и испо́лин не спасе́тся мно́жеством кре́пости своея́. ¹⁷Ложко́нь во спасение, во мно́жестве же силы́ своея́ не спасе́тся. ¹⁸Се о́чи Господни на боя́щияся Его́, упова́ющыя на милость Его́. ¹⁹Изба́вити от сме́рти ду́шы их, и препита́ти я́ в глад. ²⁰Душа́ же на́ша ча́ет Господа, я́ко Помо́щник и Защи́титель наш есть. ²¹Я́ко о Нем возвесели́тся се́рдце на́ше, и во и́мя свято́е Его́ упова́хом. ²²Бу́ди, Господи, ми́лость Тво́я на нас, я́коже упова́хом на Тя.

¹Псалом Давиду, внегда́ измени́ лице́ своё́ пред Авимелéхом, и отпусти́ его́, и оты́де, 33

²Благословлю́ Господа на вся́кое вре́мя, вы́ну хвала́ Его́ во устéх мои́х. ³О Господе похва́лится душа́ моя́, да услы́шат кро́тцыи и возвеселя́тся. ⁴Возвели́чите Господа со мно́ю и вознесём и́мя Его́ вку́пе. ⁵Взыска́х Господа и услы́ша мя, и от всех скорбе́й мои́х изба́ви мя. ⁶Приступите́ к Нему́ и просветите́ся, и лица́ ва́ша не посты́дятся. ⁷Сей ни́щий воззва́, и Господь услы́ша и́, и от всех скорбе́й его́ спасе́ и́. ⁸Ополчи́тся Ангел Господень о́крест боя́щихся Его́, и изба́вит их. ⁹Вку-

сите и видите, яко благ Господь; блажен муж, иже уповает
Нань. ¹⁰Бойтесь Господа, вси святїи Его, яко несть лишения
боящимся Его. ¹¹Богатїи обнищаша и взалкаша, взыскаю-
щие же Господа не лишатся всякаго блага. ¹²Приидите, чада
послушайте мене, страху Господню научу вас. ¹³Кто есть че-
ловек хотяй живот, любяй дни видети блага? ¹⁴Удержи язык
твой от зла, и устне твои, еже не глаголати лести. ¹⁵Укло-
нися от зла и сотвори благо. Взыщи мира, и поженїи. ¹⁶Очи
Господни на праведныя, и уши Его в молитву их. ¹⁷Лице же
Господне на творящыя злая, еже потребити от земли память
их. ¹⁸Возваша праведнии, и Господь услыша их, и от всех
скорбей их избави их. ¹⁹Близ Господь сокрушенных серд-
цем, и смиренных духом спасет. ²⁰Многи скорби праведным,
и от всех их избавит я Господь. ²¹Хранит Господь вся кости
их, ни единая от них сокрушится. ²²Смерть грешников люта,
и ненавидящии праведнаго прегрешат. ²³Избавит Господь
душы раб Своих, и не прегрешат вси уповающии на Него.

Слава:

Псалом Давиду, 34

¹Суди, Господи, обидящыя мя, побори борющыя мя.

²Приими ору́жие и щит, и воста́ни в по́мощь мою. ³Изсу́ни мечь, и заключи́ сопроти́в гоня́щих мя. Рцы ду́ши моёй: спасе́ние твоё есмь Аз. ⁴Да посты́дятся и посра́мятся и́щущии ду́шу мою́, да возвратя́тся вспя́ть и посты́дятся мы́слящии ми злая. ⁵Да бу́дут я́ко прах пред лице́м ве́тра, и Ангел Господень оскорбля́я их. ⁶Да бу́дет путь их тма и по́лзок, и Ангел Господень погоня́я их: ⁷я́ко ту́не скры́ша ми па́губу се́ти своея́, всу́е поноси́ша ду́ши моёй. ⁸Да при́дет ему́ сеть, ю́же не весть, и лови́тва, ю́же скры, да объ́мет и́, и в сеть да впаде́т в ню. ⁹Душа́ же моя́ возра́дуется о Господе, возвесели́тся о спасе́нии Его. ¹⁰Вся ко́сти моя реку́т: Господи, Господи, кто подо́бен Тебе́? Избавля́й ни́ща из руки́ кре́пльших его, и ни́ща и убо́га от расхища́ющих его. ¹¹Воста́вше на мя свидете́ле непра́веднии, яже не ве́дех, вопроша́ху мя. ¹²Возда́ша ми лука́вая воз блага́я, и безча́дие ду́ши моей. ¹³Аз же, внегда́ они стужа́ху ми, облача́хся во вре́тище, и смиря́х постом ду́шу мою́, и молитва́ моя́ в не́дро моё возврати́тся. ¹⁴Я́ко бли́жнему, я́ко брату на́шему, та́ко угожда́х, я́ко пла́ча и се́туя, та́ко смиря́хся. ¹⁵И на мя возвесели́шася и собра́шася: собра́шася на мя ра́ны, и не позна́х, раздели́шася, и не умили́шася. ¹⁶Искуси́ша мя, подражни́ша мя подражне́нием, поскрежетáша на мя зубы́ своими. ¹⁷Господи, когда́ у́зриши? Устрой ду́шу мою́ от злоде́йства их, от лев единорбд-

ную мою. ¹⁸Исповёмся Тебе в церкви мно́зе, в лю́бдех тяж-
цех восхваляю́ Тя. ¹⁹Да не возра́дуются о мне враждующии
ми непра́ведно, ненави́дящие мя ту́не и помиза́ющие очима.
²⁰Яко мне у́бо ми́рная глаго́лаху, и на гнев ле́сти помыш-
ляху. ²¹Разшири́ша на мя уста́ своя, ре́ша: благо́же, благо́же,
видеша очи наши. ²²Ви́дел еси́, Господи, да не премолчи́ши.
Господи, не отступи́ от мене́. ²³Востани, Господи, и вонми́
суду́ моему, Бо́же мой и Господи мой, на прю мою. ²⁴Суди́
ми, Господи, по правде Твоей, Господи Бо́же мой, и да не
возра́дуются о мне. ²⁵Да не реку́т в сердца́х своих: благо́же,
благо́же души нашей, ниже́ да рекут: пожро́хом его. ²⁶Да по-
стыдя́тся и посра́мятся вку́пе ра́дующиися злом моим, да об-
леку́тся в студ и срам велере́чующии на мя. ²⁷Да возра́дуют-
ся и возвеселя́тся хотя́щие правды моея́, и да рекут вы́ну:
да возвели́чится Госпо́дь, хотя́щие мира рабу Его. ²⁸И язык
мой поучи́тся правде Твоей, весь день хвалé Твоей.

¹В конец, отроку Господню Давиду, 35

²Глаго́лет пребеззаконный согреша́ти в себе: несть страха
Божия пред очима его. ³Яко ульсти́ пред ним обрести́ без-
законие свое и возненави́дети. ⁴Глаго́лы уст его беззаконие

и лєсть, не восхотѣ разумѣти ежє ублажити. ⁵Беззаконіе помысли на лѣбѣи своем: предста всякому пути неблагу, о злобѣ же не негодова. ⁶Господи, на Небесѣи милость Твоя и истина Твоя до ѡблак. ⁷Правда Твоя яко горы Божія, судьбы Твоя бѣдна многа. Человеки и скоты спасѣши, Господи. ⁸Яко умножил еси милость Твою, Бѣже, сынове же чловечестии в крѣве крилу Твоею надѣяться имут. ⁹Упійутся от тука дѡму Твоего, и потѡком сладоности Твоя напойши я. ¹⁰Яко у Тебѣ источник животѣ, во свете Твоем узрим свет. ¹¹Пробави милость Твою вѣдущым Тя и правду Твою правым сердцем. ¹²Да не придет мне ногѣ гордыни, и рука грѣшница да не подвижит менѣ. ¹³Тѣмо падѡша вси дѣлающии беззаконіе: изриновѣни быша, и не возмѡгут стати.

Слава:

Псалом Давиду, 36

¹Не ревнуѣ лукавнующым, ниже завиди творящим беззаконіе. ²Занѣ яко трава скоро изсшут, и яко зѣлие злака скоро отпадут. ³Уповаѣ на Господа, и твори благостыню, и населѣ зѣмлю, и упасѣшися в богатствѣ еѣ. ⁴Насладѣся Гѡсподеви, и даст ти прошенія сѣрдца твоего. ⁵Открыѣ ко Господу путь твой, и уповаѣ на Него, и Той сотвори: ⁶и изведѣт яко свет

правду твою и судьбу твою яко полудне. ⁷Повини́ся Господеви и умоли́ Его. Не ревну́й спе́ющему в пути своем, человеку, творя́щему законопреступле́ние. ⁸Преста́ни от гне́ва и оста́ви ярость, не ревну́й, е́же лука́вновати. ⁹Зане́ лука́внующии потреба́тся, терпя́щие же Господа, ти́и насле́дят землю. ¹⁰И еще ма́ло, и не будет грешника: и взы́щещи место его, и не обря́щещи. ¹¹Кро́тцыи же насле́дят землю и насла́дятся о мно́жестве мира. ¹²Назира́ет грешный пра́веднаго и поскреже́щет нань зу́бы своими. ¹³Господь же посме́ется ему, зане́ прозира́ет, яко при́дет день его. ¹⁴Мечь извлеко́ша грешницы, наприя́гоша лук свой, низложи́ти убо́га и ни́ща, закла́ти пра́выя сердцем. ¹⁵Мечь их да вни́дет в сердца́ их, и лу́цы их да сокруша́тся. ¹⁶Лучше малое пра́веднику, паче бога́тства грешных мно́га. ¹⁷Зане́ мы́шцы грешных сокруша́тся, утвержда́ет же пра́ведныя Господь. ¹⁸Весть Господь пути непорочных, и досто́яние их в век будет. ¹⁹Не постыда́тся во время лю́бое, и во днех гла́да насы́тятся, яко грешницы поги́бнут. ²⁰Врази́ же Господни, кúпно просла́витися им и вознеси́ся, исчеза́юще яко дым исчеза́ша. ²¹Зае́млет грешный и не возврати́т, пра́ведный же ще́дрит и дае́т. ²²Яко благословя́щий Его насле́дят зе́млю, клену́щие же Его потреба́тся. ²³От Господа стопы́ человеку испра́вляю́тся, и пути его восхо́щет зе-

лб. ²⁴Егда падёт, не разбиётся, яко Господь подкрепляет руку его. ²⁵Юнейший бых, ибо состарёхся, и не видех праведника оставлена, ниже семене его просяща хлеба. ²⁶Весь день милует и взаим даёт праведный, и семя его во благословение будет. ²⁷Уклонися от зла, и сотвори благо, и вселися в век века. ²⁸Яко Господь любит суд и не оставит преподобных Своих, во век сохраняются. Беззаконницы же изженутся, и семя нечестивых потребится. ²⁹Праведницы же наследят землю и вселятся в век века на ней. ³⁰Уста праведнаго поучатся премудрости, и язык его возглаголет суд. ³¹Закон Бога его в сердце его, и не запнуты стопы его. ³²Сматрывает грешный праведнаго и ищет еже умервити его. ³³Господь же не оставит его в руку его, ниже осудит его, егда судит ему. ³⁴Потерпи Господа, и сохрани путь Его, и вознесёт тя, еже наследити землю, внегда потреблятися грешником, узриши. ³⁵Видех нечестиваго превозносяща и высяща, яко кедры Ливанския. ³⁶И мимо идох, и се не бё, и взысках его, и не обретеся место его. ³⁷Храни незлобие и виждь правоту, яко есть останок человеку мирну. ³⁸Беззаконницы же потребятся вкупе: останцы же нечестивых потребятся. ³⁹Спасение же праведных от Господа, и Защититель их есть во время скорби. ⁴⁰И поможет им Господь, и избавит их, и измет их от грешник, и спасёт их, яко уповаша на Него.

Слава:

Трисвятое. Пресвятая Троице... Отче наш...

Тропарі, глас 5-й:

Страшный Твой Престо́л, лукавое мое жити́е: и кто мя избавит тогда́шняя ну́жды, а́ще не Ты поми́луеши мя, Христе Бо́же, я́ко Щедр и Человеколюбец?

Слава: Попече́ние жити́я изгна́ мя ра́я, и что сотворю́, отча́янный? Сего́ ради толку́ во врата́ и зову: Господи, Господи, отве́рзи ми пока́нием и спаси́ мя.

И ныне: Кий нарече́м храм Твой, Богоро́дице? Приста́нище ли духовное? Или́ рай сладости Небе́сных, ходата́йствен жизни неконча́емая? Вся бо имаши до́брая, всегда моли́ся Христу спастися душа́м нашим.

Господи, помилуй. (*40 раз*)

Молитва

Боже Праведный и Хва́льный, Бо́же Великий и Крепкий, Бо́же Преве́чный, услыши грешнаго му́жа молитву в час сей: услыши мя, обеща́вый услы́шати во и́стине Тя призыва́ющих, и не омерзи́ мя, нечистыя устне́ иму́ща и во гресех содержи́ма, упование всех конце́в земли и странствующих да́лече. Приими́ оружие и щит и воста́ни в помощь мою: излей

мечь и заключи сопротив гонящих мя. Запретї нечистым духовом от лица безумия моего, и да отлучїтся от моея мысли дух ненависти и злопомнїния, дух зависти и лести, дух боязни и уныния, дух гордости и всякия инїя злобы; и да угаснет всякое разжїение и движение плоти моея, от диавольскаго действия составляемое, и да просветїтся моя душа и тело, и дух светом Твоего Божественнаго познания: да множеством щедрот Твоих достїгну соединения веры, в мужа совершенна, в меру возраста, и прославлю со Ангелы и всеми святыми Твоими всечестнбе и великолепое имя Твое, Отца и Сына и Святаго Духа, ныне и присно и во веки веков. Аминь.

Кафисма шестая

¹Псалом Давиду, в воспоминание о субботе, 37

²Господи, да не яростию Твоею обличиши мене, ниже гневом Твоим накажеши мене. ³Яко стрелы Твоя унзоба во мне, и утвердил еси на мне руку Твою. ⁴Несть исцеления в плоти моей от лица гнева Твоего, несть мира в костех моих от лица грех моих. ⁵Яко беззакония моя превзыдоба главу мою, яко бремя тяжкое отяготеша на мне. ⁶Возсмердеша и согниша раны моя от лица безумия моего. ⁷Пострадах и слякохся до конца, весь день сетуя хождах. ⁸Яко лядвия моя наполнишася поруганий, и несть исцеления в плоти моей. ⁹Озлоблен бых и смирихся до зела, рыках от въздыхания сердца моего. ¹⁰Господи, пред Тобою все желание мое, и въздыхание мое от Тебе не утайся. ¹¹Сердце мое смятеса, остави мя сила моя, и свет очию моею, и той несть со мною. ¹²Друзи мои и искреннии мои прямо мне приближишася и сташа, ¹³и ближнии мои отдалече мене сташа, и нуждахуся ищущии душу мою, и ищущии злая мне глаголаху суетная и льстивным весь

день поучахуся. ¹⁴Аз же яко глух не слышах и яко нем не отверзаяй уст своих. ¹⁵И бых яко человек не слышай и не имый во устех своих обличения. ¹⁶Яко на Тя, Господи, уповах, Ты услышиши, Гбсподи Ббже мой. ¹⁷Яко рех: да не когда порадуют ми ся врази мои: и внегда подвижатися ногам моим, на мя велеречеваша. ¹⁸Яко аз на раны готов, и болезнь моя предо мною есть выну. ¹⁹Яко беззаконие мое аз возвещу и попечуся о гресе моем. ²⁰Врази же мои живут и укрепятся паче мене, и умножишася ненавидящии мя без правды. ²¹Воздающим ми злая воз благая оболгаху мя, зане гонях благостыню. ²²Не остави мене, Господи Ббже мой, не отступи от мене. ²³Вонми в помощь мою, Господи спасения моего.

¹В конец, Идифуму, песнь Давиду, 38

²Рех: сохраню пути моя, еже не согрешати ми языком моим: положих устом моим хранило, внегда востати грешному предо мною. ³Онемех и смирихся, и умолчах от благ, и болезнь моя обновися. ⁴Согреяся сердце мое во мне, и в поучении моем разгорится огонь. Глаголах языком моим: ⁵скажи ми, Господи, кончину мою и число дней моих, кбе есть? Да разумею, что лишаяюся аз? ⁶Се пяди положил еси дни моя,

и состав мой яко ничтоже пред Тобою, обаче всяческая суета всяк человек живый. ⁷Убо образом ходит человек, обаче все мятется: сокровиществует, и не весть, кому соберет я. ⁸И ныне кто терпение мое, не Господь ли? И состав мой от Тебе есть. ⁹От всех беззаконий моих избави мя, поношение безумному дал мя еси. ¹⁰Онемех и не отверзох уст моих, яко Ты сотворил еси. ¹¹Отстави от мене раны Твоя: от крепости бо руки Твоя аз исчезох. ¹²Во обличениях о беззаконии наказал еси человека и истаял еси, яко паучину, душу его: обаче все всяк человек. ¹³Услыши молитву мою, Господи, и моление мое внуши, слез моих не премолчи: яко пресельник аз есмь у Тебе и пришлец, якоже вси отцы мои. ¹⁴Ослаби ми, да почию, прежде даже не отыду, и ктому не буду.

¹В конец, псалом Давиду, 39

²Терпя, потерпех Господа, и внят ми, и услыша молитву мою. ³И возведе мя от рова страстей, и от брения тины, и постави на камени ноге мои, и исправил стопы моя, ⁴и вложил во уста моя песнь нову, пение Богу нашему. Узрят мнози и убоятся, и уповают на Господа. ⁵Блажен муж, емуже есть имя Господне упование его, и не призрет в суеты и неистовления ложная. ⁶Многа сотворил еси Ты, Господи, Бже мой, чуде-

са́ Твоя, и помышлѣнием Твоим несть кто уподобится Тебе: возвестих и глаголах, умножишася паче числа. ⁷Жертвы и приношения не восхотѣл еси, тѣло же свершил ми еси, все-сожжений и о гресѣ не взыскал еси. ⁸Тогда рех: се прииду, в главизне книжне писано есть о мне: ⁹ѣже сотвори ти волю Твою, Бѣже мой, восхотѣх, и закон Твой посреде чрева моего. ¹⁰Благовестих правду в цѣркви велицей, се устнам моим не возбраню: Господи, Ты разумел еси. ¹¹Правду Твою не скрых в сердце моем, истину Твою и спасение Твое рех, не скрых милость Твою и истину Твою от сонма многа. ¹²Ты же, Господи, не удали щедрот Твоих от мене: милость Твоя и истина Твоя выну да заступите мя. ¹³Яко одержаша мя злая, имже несть числа, постигоша мя беззакония моя, и не возмогах зрѣти, умножишася паче влас главы моея, и сердце мое остави мя. ¹⁴Благоволи, Господи, избавити мя: Господи, во ѣже помощи ми вонми. ¹⁵Да постыдятся и посрамятся вкупе ищущии душу мою изъяти ю, да возвратятся вспять и постыдятся хотящии ми злая. ¹⁶Да примут абие студ свой глаголющии ми: благоже, благоже. ¹⁷Да возрадуются и возвеселятся о Тебе вси ищущии Тебе, Господи, и да рекут выну: да возвеличится Господь, любящии спасение Твое. ¹⁸Аз же нищ есмь и убог, Господь попечѣтся о мне. Помощник мой и Защититель мой еси Ты, Бѣже мой, не закосни.

Слава:

¹В конец, псалом Давиду, 40

²Блаженъ разумева́яй на ни́ща и убо́га, в день лю́т изба́вит его́ Госпо́дь. ³Госпо́дь да сохра́нит его́, и живи́т его, и да ублажи́т его на земли́, и да не преда́ст его́ в ру́ки враго́в его́. ⁴Госпо́дь да помо́жет ему на одре́ болѣзни его: все ло́же его обрати́л еси́ в болѣзни его. ⁵Аз рех: Госпо́ди, поми́луй мя, исцели́ ду́шу мою, яко согреши́х Ти. ⁶Врази́ мои рѣша мне зла́я: ко́гда ўмрет и поги́бнет имя его? ⁷

Конец ознакомительного фрагмента.

Текст предоставлен ООО «ЛитРес».

Прочитайте эту книгу целиком, [купив полную легальную версию](#) на ЛитРес.

Безопасно оплатить книгу можно банковской картой Visa, MasterCard, Maestro, со счета мобильного телефона, с платежного терминала, в салоне МТС или Связной, через PayPal, WebMoney, Яндекс.Деньги, QIWI Кошелек, бонусными картами или другим удобным Вам способом.